



სსიპ შოთა რუსთაველის საქართველოს ეროვნული სამეცნიერო ფონდის
გენერალური დირექტორის

ბრძანება № 53

2022 წლის 5 აპრილი

ქ. თბილისი

2022 წლის სსიპ - შოთა რუსთაველის საქართველოს ეროვნული სამეცნიერო ფონდისა და გერმანიის აკადემიური გაცვლის სამსახურის ერთობლივი „Rustaveli-DAAD“-ის სასტიპენდიო პროგრამის საგრანტო კონკურსის გამოცხადების შესახებ

“სსიპ - შოთა რუსთაველის საქართველოს ეროვნული სამეცნიერო ფონდისა და გერმანიის აკადემიური გაცვლის სამსახურის ერთობლივი „Rustaveli-DAAD“-ის სასტიპენდიო პროგრამის საგრანტო კონკურსის დებულების დამტკიცების შესახებ“ საქართველოს განათლებისა და მეცნიერების მინისტრის 2017 წლის 6 აპრილის N62/ნ ბრძანებით დამტკიცებული დებულების მე-3 მუხლის 2 პუნქტის „ა“ ქვეპუნქტის, „საჯარო სამართლის იურიდიული პირის - შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის №62/ნ ბრძანებით დამტკიცებული წესდების მე-5 მუხლის მე-2 პუნქტის „ე“ ქვეპუნქტის საფუძველზე და სსიპ შოთა რუსთაველის საქართველოს ეროვნული სამეცნიერო ფონდის საერთაშორისო ურთიერთობებისა და ფონდების მოზიდვის სამსახურის უფროსის, სამსახურებრივი ბარათის (N352096, 05.04.2022) შესაბამისად,

ვბრძანებ:

1. გამოცხადდეს 2022 წლის სსიპ - შოთა რუსთაველის საქართველოს ეროვნული სამეცნიერო ფონდისა და გერმანიის აკადემიური გაცვლის სამსახურის ერთობლივი „Rustaveli-DAAD“-ის სასტიპენდიო პროგრამის საგრანტო კონკურსი (შემდგომში - კონკურსი);
2. დამტკიცდეს კონკურსის პირობები ამ ბრძანების დანართი N1-ის შესაბამისად;
3. დამტკიცდეს კონკურსის საგრანტო პროექტის ბიუჯეტის ფორმა ამ ბრძანების დანართი N2-ის შესაბამისად;
4. დამტკიცდეს კონკურსში მონაწილეობის შესახებ განცხადების ფორმა ამ ბრძანების დანართი N3-ის შესაბამისად;
5. კონკურსის კოორდინატორად განისაზღვროს ფონდის საერთაშორისო ურთიერთობებისა და ფონდების მოზიდვის სამსახურის სპეციალისტი, ღევან ტლაშვილე;
6. დაევალოს სსიპ შოთა რუსთაველის საქართველოს ეროვნული სამეცნიერო ფონდის (შემდგომში - ფონდი) საზოგადოებასთან ურთიერთობის სამსახურს უზრუნველყოს წინამდებარე ბრძანების ფონდის ვებგვერდზე განთავსება;
7. ბრძანება ძალაშია ფონდის ვებგვერდზე გამოქვეყნებისთანავე;
8. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: დ. აღმაშენებლის ხეივანი №64).

ჯაბა სამუშა

**შოთა რუსთაველის საქართველოს ეროვნული სამეცნიერო ფონდისა და
გერმანიის აკადემიური გაცვლის სამსახურის (DAAD)
ერთობლივი „RUSTAVELI-DAAD“-ის სასტიპენდიო პროგრამის
საგრანტო კონკურსის პირობები**

მუხლი 1. ზოგადი დებულებანი

1. სსიპ - შოთა რუსთაველის საქართველოს ეროვნული სამეცნიერო ფონდისა (შემდგომში - ფონდი) და გერმანიის აკადემიური გაცვლის სამსახურის (შემდგომში-DAAD) ერთობლივი „RUSTAVELI-DAAD“-ის სასტიპენდიო პროგრამის (შემდგომში-პროგრამის) საგრანტო კონკურსის პირობები (შემდგომში - პირობები) არეგულირებს ერთობლივი „RUSTAVELI-DAAD“-ის სასტიპენდიო პროგრამის საგრანტო კონკურსის (შემდგომში-საგრანტო კონკურსი) გამართვის წესს, საგრანტო პროექტების შეფასებისა და მონიტორინგის საკითხებს.
2. საგრანტო კონკურსის მიზანია, ხელი შეუწყოს ახალგაზრდა მეცნიერებსა და დოქტორანტებს:
 - ა) სამეცნიერო კვლევების განხორციელებასა და ხარისხიანი სადოქტორო განათლების მიღებაში;
 - ბ) საუკეთესო სამეცნიერო პრაქტიკის გაზიარებითა და საერთაშორისო გაცვლის პროცესების გაუმჯობესების გზით გერმანელ კოლეგებთან ერთად სამეცნიერო ქსელის შექმნაში;
 - გ) თემატური ან ინტერდისციპლინური მიმართულებით სამეცნიერო თანამშრომლობის გაღრმავებაში.
3. საგრანტო კონკურსი ფინანსდება საქართველოსა და გერმანიის სახელმწიფო ბიუჯეტიდან და მის ადმინისტრირებას ახორციელებს ფონდი და DAAD ერთობლივად.
4. საგრანტო კონკურსის ფარგლებში ფინანსდება პროექტები, რომლებიც ითვალისწინებს:
 - ა) ახალგაზრდა მეცნიერების გერმანიის უმაღლეს საგანმანათლებლო დაწესებულებებსა ან/და კვლევით ინსტიტუტებში სტაჟირებას;
 - ბ) დოქტორანტების გერმანიის უმაღლეს საგანმანათლებლო დაწესებულებებსა ან/და კვლევით ინსტიტუტებში სტაჟირებას;
 - გ) ერთობლივი სადოქტორო პროგრამების დოქტორანტების გერმანიის უმაღლეს საგანმანათლებლო დაწესებულებებსა ან/და კვლევით ინსტიტუტებში სტაჟირებას;
5. საგრანტო კონკურსი მოიცავს DAAD-ის კლასიფიკატორის შემდეგ სამეცნიერო მიმართულებებს:
 - ა) ენები და კულტურის კვლევები;
 - ბ) სამართალი, ეკონომიკა და სოციალური მეცნიერებები;
 - გ) მათემატიკა და საბუნებისმეტყველო მეცნიერებები;
 - დ) მედიცინა;
 - ე) ვეტერინარული მედიცინა, მეტყველება, ეკოლოგია, აგრარული და კვების მეცნიერებები;
 - ვ) ინჟინერია;

ზ) ხელოვნების, მუსიკისა და სპორტის მეცნიერებები;

მუხლი 2. კონკურსში მონაწილე სუბიექტები და მონაწილეობის პირობები

1. პროექტის განმცხადებელი უნდა იყოს:

- ა) ახალგაზრდა მეცნიერი - საქართველოს მოქალაქე, რომლის დოქტორის აკადემიური ხარისხის მინიჭების დღიდან კონკურსის გამოცხადების დღემდე გასულია არაუმეტეს 12 წლისა;
- ბ) დოქტორანტი - საქართველოს მოქალაქე, რომელიც საქართველოს კანონმდებლობით დადგენილი წესით ჩარიცხულია საქართველოს უმაღლესი საგანმანათლებლო დაწესებულების დოქტორანტურის საგანმანათლებლო პროგრამაზე
- გ) ერთობლივი სადოქტორო პროგრამის დოქტორანტი - საქართველოს მოქალაქე, რომელიც საქართველოს კანანონმდებლობით დადგენილი წესით ჩარიცხულია საქართველოს უმაღლესი საგანმანათლებლო დაწესებულების დოქტორანტურის საგანმანათლებლო პროგრამაზე და რომელსაც დისერტაციის ადგილობრივ ხელმძღვანელთან ერთად, სამეცნიერო თანახელმძღვანელობას უწევს გერმანიის უმაღლესი საგანმანათლებლო დაწესებულების ან/და კვლევითი ინსტიტუტის სამეცნიერო/აკადემიური პერსონალი;

2. პროექტის ხანგძრლივობა:

- ა) ახალგაზრდა მეცნიერების მიერ წარდგენილი პროექტებისათვის - არანაკლებ 4 თვისა და არაუმეტეს 6 თვისა;
- ბ) დოქტორანტების მიერ წარდგენილი პროექტებისათვის - 3 თვე;
- გ) ერთობლივი სადოქტორო პროგრამების დოქტორანტების მიერ წარდგენილი პროექტებისათვის - 6 თვე;

3. პროექტი ითვალისწინებს:

- ა) ახალგაზრდა მეცნიერთა - არაუმეტეს 15 პროექტის დაფინანსებას;
- ბ) დოქტორანტების - არაუმეტეს 9 პროექტის დაფინანსებას;
- გ) ერთობლივი სადოქტორო პროგრამების დოქტორანტების - არაუმეტეს 6 პროექტის დაფინანსებას;

4. კომისიის რეკომენდაციითა და ფონდისა და DAAD-ის ერთობლივი გადაწყვეტილებით, შესაძლებელია, ამ მუხლის მე-3 პუნქტით განსაზღვრული დასაფინანსებელი პროექტების რაოდენობის ცვლილება.

5. კვლევითი სტაუირება უნდა განხორციელდეს 2022 წლის 1 ივნისი - 30 ნოემბრის პერიოდში.

მუხლი 3. ძირითადი ფინანსური მოთხოვნები

1. გრანტის ფარგლებში მოთხოვნილი თანხა შეიძლება მოიცავდეს:
 - ა) ყოველთვიურ სტიპენდიას;

- 1) ახალგაზრდა მეცნიერისთვის - 2000 ევროს ექვივალენტი ლარში;
 - 2) ერთობლივი სადოქტორო პროგრამების დოქტორანტისთვის - 1200 ევროს ექვივალენტი ლარში;
 - 3) დოქტორანტისთვის - 1200 ევროს ექვივალენტი ლარში;
- ბ) ახალგაზრდა მეცნიერის, დოქტორანტისა და ერთობლივი პროგრამის დოქტორანტის მგზავრობის ხარჯებს - არაუმეტეს 675 ევროს ექვივალენტისა ლარში;
- გ) დოქტორანტისა და ერთობლივი პროგრამის დოქტორანტის დაზღვევის ხარჯებს - ყოველთვიურად არაუმეტეს 77 ევროს ექვივალენტისა ლარში;
- დ) ერთობლივი პროგრამის დოქტორანტის ხელმძღვანელისა და თანახელმძღვანელის მგზავრობის ხარჯებს - ჯამში არაუმეტეს 1500 ევროს ექვივალენტისა ლარში.

მუხლი 4. კონკურსში მონაწილეობისათვის წარსადგენი დოკუმენტები

1. კონკურსში მონაწილეობისათვის წარმოსადგენი დოკუმენტაცია შედგება ორი ნაწილისაგან: DAAD-ის ელექტრონულ ბაზაში ასატვირთი დოკუმენტებისგან და ფონდის კანცელარიაში წარმოსადგენი დოკუმენტებისგან.
2. DAAD-ის ელექტრონულ ბაზაში ასატვირთი დოკუმენტების ნუსხა (DAAD - ის მიერ დადგენილი ფორმების შესაბამისად):

2.1 ახალგაზრდა მეცნიერთათვის:

- ა) საკონკურსო განაცხადის ფორმა (ივსება DAAD-ის ელექტრონულ ბაზაში);
- ბ) CV (არაუმეტეს 3 გვერდისა);
- გ) პუბლიკაციების ჩამონათვალი (არაუმეტეს 3 გვერდისა);
- დ) დეტალურად გაწერილი კვლევითი პროექტი (არაუმეტეს 4 გვერდისა);
- ე) ჩასატარებელი კვლევის ადგილისა და დროის გეგმა (გეგმა-გრაფიკი);
- ვ) დოქტორის აკადემიური ხარისხის დამადასტურებელი დოკუმენტი;
- ზ) მასპინძელი მხარის მოწვევის წერილი, რომელიც გამოხატავს თანხმობას, სტიპენდიის მიღების შემთხვევაში ითანამშრომლოს სტიპენდიანტთან. წერილში მითითებული უნდა იყოს, რომ უნივერსიტეტში/კვლევით დაწესებულებაში სტიპენდიანტისთვის გამოყოფილი იქნება სამუშაო კუთხე.

ზემოთჩამოთვლილი ყველა დოკუმენტი იტვირთება DAAD-ის ელექტრონულ ბაზაში, PDF-ფორმატში, არაუგვიანეს 19 აპრილისა (23.00 სთ.).

2.2 დოქტორანტებისთვის:

- ა) საკონკურსო განაცხადის ფორმა (ივსება DAAD-ის ელექტრონულ ბაზაში);
- ბ) CV (არაუმეტეს 3 გვერდისა);
- გ) პუბლიკაციების ჩამონათვალი (არაუმეტეს 3 გვერდისა);
- დ) დეტალურად გაწერილი კვლევითი პროექტი (არაუმეტეს 4 გვერდისა);
- ე) ჩასატარებელი კვლევის ადგილისა და დროის გეგმა (გეგმა-გრაფიკი);
- ვ) ცნობა დოქტორანტურის საგანმანათლებლო პროგრამაზე სწავლის შესახებ, სასწავლო სემესტრისა და დოქტორანტის წინა სასწავლო სემესტრის/სემესტრების აკადემიური მოსწრების მითითებით (ნიშნების ფურცელი უნდა მოიცავდეს ქულათა განმარტებას);

- ზ) მაგისტრის ან მასთან გათანაბრებული აკადემიური ხარისხის დამადასტურებელი დოკუმენტი, აკადემიური მოსწრების მითითებით (ნიშნების ფურცელი უნდა მოიცავდეს ქულათა განმარტებას);
- თ) მასპინძელი მხარის თანხმობის წერილი, რომელიც ადასტურებს, რომ სტიპენდიის მიღების შემთხვევაში უხელმძღვანელებს დოქტორანტს. წერილში მითითებული უნდა იყოს, რომ უნივერსიტეტში/კვლევით დაწესებულებაში სტიპენდიანტისთვის გამოყოფილი იქნება სამუშაო კუთხე.

ზემოთჩამოთვლილი ყველა დოკუმენტი იტვირთება DAAD-ის ელექტრონულ ბაზაში, PDF-ფორმატში, არაუგვიანეს 19 აპრილისა (23.00 სთ).

2.3 ერთობლივი სადოქტორო პროგრამების დოქტორანტებისათვის:

- ა) საპლიკაციო ფორმა (ივსება DAAD-ის ელექტრონულ ბაზაში);
- ბ) CV (არაუმეტეს 3 გვერდისა);
- გ) პუბლიკაციების ჩამონათვალი (არაუმეტეს 3 გვერდისა);
- დ) დუტალურად გაწერილი კვლევითი პროექტი, ხელმოწერილი ხელმძღვანელების მიერ საქართველოსა და გერმანიის მხრიდან (არაუმეტეს 4 გვერდისა);
- ე) ჩასატარებელი კვლევის ადგილისა და დროის გეგმა (გეგმა-გრაფიკი), ხელმოწერილი ხელმძღვანელების მიერ საქართველოსა და გერმანიის მხრიდან;
- ვ) ცნობა დოქტორანტურის საგანმანათლებლო პროგრამაზე სწავლის შესახებ, სასწავლო სემესტრისა და დოქტორანტის წინა სასწავლო სემესტრის/სემესტრების აკადემიური მოსწრების მითითებით;
- ზ) მაგისტრის ან მასთან გათანაბრებული აკადემიური ხარისხის დამადასტურებელი დოკუმენტი, აკადემიური მოსწრების მითითებით (ნიშნების ფურცელი უნდა მოიცავდეს ქულათა განმარტებას);
- თ) ხელმძღვანელის თანხმობის წერილი გერმანიის მხრიდან, რომელიც ადასტურებს, რომ სტიპენდიის მიღების შემთხვევაში უხელმძღვანელებს დოქტორანტს. წერილში მითითებული უნდა იყოს, რომ უნივერსიტეტში/კვლევით დაწესებულებაში სტიპენდიანტისთვის გამოყოფილი იქნება სამუშაო კუთხე.

ზემოთჩამოთვლილი ყველა დოკუმენტი იტვირთება DAAD-ის ელექტრონულ ბაზაში, PDF-ფორმატში, არაუგვიანეს 19 აპრილისა (23.00 სთ.)

3. დოქტორანტებისა და ერთობლივი სადოქტორო პროგრამის დოქტორანტებისთვის, ელექტრონულად ატვირთული დოკუმენტების გარდა, სავალდებულია, DAAD-ის საქართველოს რეგიონულ ოფისში წარმოადგინონ კონვერტში მოთავსებული სარეკომენდაციო წერილი (1 ეგზემპლარი), გაცემული უმაღლესი საგანმანათლებლო დაწესებულების აკადემიური პერსონალის ან მოწვეული ლექტორის მიერ. სარეკომენდაციო წერილის ფორმა უნდა ჩამოიტვირთოს DAAD-ის ელექტრონული ბაზიდან.

4. ქართულ ენაზე გაცემული დოკუმენტები უნდა ითარგმნოს გერმანულ ან ინგლისურ ენაზე და დამოწმდეს თარჯიმანთა ბიუროს მიერ.

5. ფონდის კანცელარიაში წარმოსადგენი დოკუმენტები კონკურსში მონაწილე სუბიექტებისთვის:

- ა) კვლევითი პროექტი ქართულ ენაზე;
- ბ) პროექტის ბიუჯეტი ქართულ ენაზე (დანართი 2);
- გ) განცხადების ფორმა კონკურსში მონაწილეობის შესახებ (დანართი 3).

მუხლი 5 - კონკურსის ეტაპები:

საგრანტო კონკურსის ეტაპებია:

- ა) ფონდის მიერ ერთობლივი კონკურსის გამოცხადება DAAD-თან შეთანხმებით;
- ბ) საკონკურსო განაცხადების წარდგენა DAAD-ში;
- გ) კონკურსის პირობების მე - 4 მუხლის მე - 4 პუნქტით დადგენილი დოკუმენტების ფონდში წარდგენა;
- დ) ფონდში წარმოდგენილი დოკუმენტების ტექნიკური ექსპერტიზა;
- ე) DAAD-ის მიერ შედგენილი კომისიის მიერ პროექტის შეფასება;
- ვ) ფონდისა და DAAD-ის მიერ გამარჯვებული პროექტების ერთობლივად გამოვლენა;
- ზ) საგრანტო ხელშეკრულებების გაფორმება.

მუხლი 6. კონკურსზე განაცხადების რეგისტრაციის წესი

1. კონკურსში მონაწილეობისთვის მოთხოვნილი დოკუმენტების ატვირთვა ხორციელდება DAAD-ის ელექტრონულ ბაზაში არაუგვიანეს 19 აპრილისა (23.00 სთ).
2. ფონდის კანცელარიაში კონკურსში მონაწილეობის შესახებ განცხადების, კვლევითი პროექტისა და პროექტის ქართული ბიუჯეტის წარდგენა უნდა მოხდეს 2022 წლის 20 აპრილის 16:00 საათის ჩათვლით;
3. ფონდის კანცელარიაში წარსადგენი განცხადება დადასტურებული უნდა იყოს შესაბამისი ხელმოწერით/ხელმოწერებით.
4. კონკურსის პირობებით დადგენილი ვადის დარღვევის, ან მოთხოვნილი დოკუმენტაციის არასრულყოფილად წარმოდგენის შემთხვევაში პროექტები არ განიხილება.
5. ფონდი და DAAD უფლებამოსილია, კონკურსის ნებისმიერ ეტაპზე კონკურსიდან მოხსნას პროექტი, რომელიც შეიცავს არასრულ ან ყალბ ინფორმაციას.
6. ფონდი და DAAD არ ანაზღაურებს პროექტის მომზადებისა და წარდგენისათვის გაწეულ ხარჯებს.

მუხლი 7. პროექტების შეფასება

პროექტების შეფასება რეგულირდება საქართველოს განათლებისა და მეცნიერების მინისტრის 2017 წლის 6 აპრილის N 62/ნ ბრძანების მე-8 მუხლის შესაბამისად.

მუხლი 8. ანგარიშება და მონიტორინგი

1. საგრანტო ხელშეკრულებით გათვალისწინებული ტრანში გრანტის მიმღებს DAAD-ს მიერ გადაერიცხება ავანსის სახით. გრანტის მიმღების მიერ, შესაბამისი ანგარიშის DAAD-ისთვის წარდგენის საფუძველზე ხორციელდება დაფინანსებული პროექტების მონიტორინგი, რომელიც მოიცავს პროექტის ფინანსურ და პროგრამულ მონიტორინგს.

2. ფინანსური მონიტორინგი გულისხმობს, საგრანტო ხელშეკრულების ფარგლებში, გრანტის მიმღებისთვის გადარიცხული თანხების ხარჯვის შესაბამისობის დადგენას ამავე ხელშეკრულებით გათვალისწინებულ ხარჯთაღრიცხვასთან.
3. მონიტორინგის მიზნებისათვის, გრანტის მიმღების მიერ წარმოსადგენი დოკუმენტაცია და ანგარიშის განხილვის წესი განისაზღვრება საგრანტო ხელშეკრულებით.
4. იმ შემთხვევაში, თუ პროექტის ბიუჯეტი ითვალისწინებს სრული თვის სტიპენდიის ოდენობას, ხოლო სტაუირების ფაქტიურმა პერიოდმა შეადგინა არასრული თვე, გრანტის მიმღებს აუნაზღაურდება მთლიანი თვის სტიპენდია. არასრული თვის შემთხვევაში, სტაუირების ფაქტიური პერიოდი უნდა იყოს მინიმუმ ორი კვირა. ორ კვირაზე ნაკლები ვადის შემთხვევაში, სტიპენდია არ ანაზღაურდება.
5. პროგრამული მონიტორინგის განხორციელებისას DAAD ეყრდნობა გერმანიის უმაღლესი საგანმანათლებლო დაწესებულების ან კვლევითი ინსტიტუტის მიერ გაცემულ წერილობით ინფორმაციას გრანტის მიმღების მიერ გავლილი სტაუირების შესახებ. გერმანიის უმაღლესი საგანმანათლებლო დაწესებულების ან კვლევითი ინსტიტუტის წერილში მითითებული უნდა იყოს სტაუირების დაწყებისა და დასრულების თარიღები.
6. ანგარიშის განხილვის შედეგად მიღებული ინფორმაციის საფუძველზე, DAAD ვალდებულია, ფონდს მიაწოდოს ინფორმაცია გაწეული ხარჯებისა და შესრულებული აქტივობების შესახებ ფონდის გენერალური დირექტორის მიერ დამტკიცებული ფორმების შესაბამისად.
7. DAAD-ის მიერ მონიტორინგის განხორციელებისას:
 - ა) მიზნობრივ ხარჯად ჩაითვლება საგრანტო ხელშეკრულების ხარჯთაღრიცხვის ძირითადი ხარჯვითი კატეგორიის ფარგლებში განხორციელებული ხარჯი, თუ იგი მიეკუთვნება შესაბამის ხარჯვით კატეგორიას;
 - ბ) არამიზნობრივ ხარჯად ჩაითვლება საგრანტო ხელშეკრულების ხარჯთაღრიცხვით გაუთვალისწინებელი ხარჯი. აღნიშნული ხარჯი ექვემდებარება გრანტის გამცემთა მიერ მითითებულ ანგარიშზე დაბრუნებას;
 - გ) ნაშთად ჩაითვლება პროექტის დასრულებისას არსებული გაუხარჯავი რესურსი, რომელიც ექვემდებარება გრანტის გამცემის მიერ მითითებულ ანგარიშზე დაბრუნებას.
8. გრანტის მიმღები ვალდებულია, მონაწილეობა მიიღოს კონკურსის შემაჯამებელ წლიურ საპოსტერო კონფერენციაში და წარმოადგინოს მოხსენება სტაუირების პერიოდში განხორციელებული აქტივობების შესახებ.

მუხლი 8. პროექტის შეჩერება, შეწყვეტა და დასრულება

პროექტის შეჩერება, შეწყვეტა და დასრულება რეგულირდება საქართველოს განათლებისა და მეცნიერების მინისტრის 2017 წლის 6 აპრილის N 62/ნ ბრძანების მე-12 მუხლის შესაბამისად.

დანართი N2

დამტკიცებულია

სსიპ - შოთა რუსთაველის საქართველოს ეროვნული სამეცნიერო

ფონდის გენერალური დირექტორის

2022 წლის 5 აპრილის № 53 ბრძანებით

**შოთა რუსთაველის საქართველოს ეროვნული სამეცნიერო ფონდისა და
გერმანიის აკადემიური გაცვლის სამსახურის
ერთობლივი „Rustaveli-DAAD“-ის სასტიპენდიო პროგრამის
საგრანტო კონკურსი**

საგრანტო პროექტის ბიუჯეტი

გრანტის მიმღები:

№	ხარჯის კატეგორია	ფონდიდან მოთხოვნილი თანხა (ევრო)	DAAD-დან მოთხოვნილი თანხა თანხა (ევრო)	სულ პროექტის ბიუჯეტი
1	სტიპენდია			0
2	დაზღვევა			0
3	საერთაშორისო ორმხრივი მგზავრობის ხარჯი			0
4	ერთობლივი პროგრამის დოქტორანტის ხელმძღვანელის და თანახელმძღვანელის მგზავრობის ხარჯები			0
სულ:		0	0	0

შენიშვნა:

პროექტის ბიუჯეტში ფონდიდან და DAAD-დან მოთხოვნილი თანხა უნდა იყოს თანაბარი.

**სსიპ - შოთა რუსთაველის საქართველოს ეროვნულ სამეცნიერო ფონდს
განცხადება**

**სსიპ - შოთა რუსთაველის საქართველოს ეროვნული სამეცნიერო ფონდისა და გერმანის აკადემიური
გაცვლის სამსახურის ერთობლივი „Rustaveli-DAAD“-ის სასტიპენდიო პროგრამის საგრანტო კონკურსში
მონაწილეობის შესახებ**

მოგახსენებთ, რომ გავეცანი საქართველოს განათლებისა და მეცნიერების მინისტრის 2017 წლის 6 აპრილის N62/ნ
ბრძანებასა და სსიპ - შოთა რუსთაველის ეროვნული სამეცნიერო ფონდის გენერალური დირექტორის 2021 წლის 5
აპრილის N53 ბრძანებას სსიპ - შოთა რუსთაველის საქართველოს ეროვნული სამეცნიერო ფონდისა და გერმანის
აკადემიური გაცვლის სამსახურის ერთობლივი „Rustaveli-DAAD“-ის სასტიპენდიო პროგრამის საგრანტო
კონკურსის პირობებისა და წარსადგენი დოკუმენტაციის ფორმების დამტკიცების შესახებ. როგორც წინამდებარე
პროექტის წარმომდგენი, ვაცხადებ თანხმობას, მონაწილეობა მივიღო კონკურსში ზემოხსენებულ დოკუმენტებში
დადგენილი პირობების დაცვით. ამასთანავე, ვაცნობიერებ, რომ კონკურსის მიზნებისათვის დადგენილი
მოთხოვნების შეუსაბამო, არასრული, ან ყალბი ინფორმაციის მიწოდების შემთხვევაში პროექტი მოიხსნება
კონკურსიდან. ვადასტურებ, რომ წარმოდგენილი პროექტი არ არის უკვე განხორციელებული ჩემი, ან დისერტაციის
ხელმძღვანელის მიერ რომელიმე (ეროვნული/საერთაშორისო) დონორი ორგანიზაციის დაფინანსებით და
წარმოდგენილი პროექტი არ შეიცავს პლაგიატის ელემენტებს.

ვადასტურებთ, რომ ჩემ მიერ წარმოდგენილი ინფორმაცია ზუსტია, შეესაბამება დადგენილ ფორმებს და არ შეიცავს
ყალბ მონაცემებს. ვაცნობიერებ, რომ ფონდი უფლებამოსილია, ნებისმიერ დროს გადაამოწმოს მოწოდებული
ინფორმაციის სიზუსტე და სიყალბის აღმოჩენის შემთხვევაში მოხსნას განაცხადი კონკურსში მონაწილეობიდან.

1. დოქტორანტის/ახალგაზრდა მეცნიერის სახელი, გვარი:	
2. პროექტის სათაური:	
3. დოქტორანტის დისერტაციის ხელმძღვანელის (ივსება თუ გრანტის მაძიებელი დოქტორანტია) სახელი, გვარი:	
4. მასპინძელი უმაღლესი საგანმანათლებლო დაწესებულება:	
5. პროექტის ხანგრძლივობა თვეებში:	

დოქტორანტის/ახალგაზრდა მეცნიერის ხელმოწერა: _____

დისერტაციის ხელმძღვანელის ხელმოწერა (თუ გრანტის მაძიებელი დოქტორანტია):

თარიღი: _____